

**ადამიანისეული კაპიტალი – ინვესტირების
განსაკუთრებული სფერო და ქვეყნის
კონკურენტუნარიანობის ამაღლების
უმთავრესი პირობა**

რევაზ შენგელია

ემდ, სტუ პროფესორი

ჟუჟუნა წიკლაური

ემდ, სტუ პროფესორი

ნათია შენგელია

ედ, სტუ ას.პროფესორი

რეზიუმე

ეკონომიკის დაჩქარებული განვითარების, კონკურენტუნარიანობის ამაღლების უმთავრესი რეზერვი, როგორც კომპანიის, ისე დარგის, ქვეყნის დონეზე, უწინარეს ყოვლისა, **ადამიანისეულ კაპიტალში** უნდა ვეძებოთ. ადამიანისეული კაპიტალის, როგორც თვითმზარდი ღირებულების, გასადიდებლად კი საჭიროა მისი შემოქმედებითი პოტენციალის შეუზღუდავი რესურსების მაქსიმალური გამოყენება; ამ მიმართულებით გადამწყვეტი მნიშვნელობა აქვს სწორედ ინვესტიციებს **ადამიანისეულ კაპიტალ-ში**, რომლის გარეშე შეუძლებელია ადამიანის კრეატიულობის, ცოდნის, გამოცდილების, კვალიფიკაციის დონის ამაღლება.

კონკურენტუნარიანი ცოდნა განსაკუთრებით საჭიროა საინვესტიციო პოლიტიკის შემუშავებისას, მაშინ, როცა საკითხი ინვესტიციების მიმართულებების განსაზღვრას ეხება, რა დონეზეც არ უნდა ხდებოდეს გადანაცვებულების მიღება.

საკვანძო სიტყვები: კრეატიული ეკონომიკა. კონკურენტუნარიანი მეცნიერულ-ტექნიკური ცოდნა. ადამიანური კაპიტალი. კონკურენტუნარიანი პიროვნება. მეცნიერულ-ტექნიკური ცოდნის კვლავწარმოება და მისი განახლების ფორმები.

შესავალი

ეკონომიკური განვითარების უაღრესად საპასუხისმგებლო პერიოდშია და უახლესი 15-20 წელი განმსაზღვრელი იქნება ქვეყნისთვის, რადგან ამ ვადებში უნდა გახდეს შესაძლებელი დასავლურ ეკონომიკურ, პოლიტიკურ თუ სხვა სივრცეში გაერთიანება. ამ მიზნის მიღწევა კი მთავრობის მიერ ახლახან შემოთავაზებული სწრაფი განვითარების კურსის რეალიზაციის და აღნიშნულ ვადებში განვითარების სწრაფი ტემპების შენარჩუნების გარეშე შეუძლებელი იქნება.

ძირითადი ტექსტი

სწრაფი ეკონომიკური განვითარების, კონკურენტუნარიანობის ამაღლების უმთავრესი რეზერვი კი როგორც კომპანიის, ისე დარგის, ქვეყნის დონეზე, ჩვენი აზრით, უწინარეს ყოვლისა, **ადამიანისუფლებების კაპიტალში** უნდა ვეძებოთ.

ქვეყნის განვითარების საქმეში ადამიანისუფლებების კაპიტალის ასეთი განსაკუთრებული მნიშვნელობის მიუხედავად, დიდ ადგილს ვერ დაუთმობთ მსჯელობას ადამიანისუფლებების კაპიტალის არსის თაობაზე ტრადიციული ეკონომიკის პირობებში, რომელიც შეზღუდული ეკონომიკური რესურსების (მიწა, შრომა, კაპიტალი) რაციონალური გამოყენების თეორიას (ანუ რესურსებზე დაფუძნებულ ხედვას) ეფუძნება (სოციალურ-ეკონომიკურ ლიტერატურაში ეს საკითხი ასე თუ ისე გარკვეულწილად შესწავლილია). მაგრამ არატრადიციული-კრეატიული ეკონომიკის პირობებში (როცა გადამწყვეტი ფაქტორი ხდება შემოქმედებითი იდეა, მისი ხარისხი[6.გვ., 14-17; 98-99; 142-154; 178; 181-182] და არა მხოლოდ მაღალი ტექნოლოგიები), არასწორი იქნება არ ავლენავთ ის პროგრესი, ახლებური, არატრადიციული, ინოვაციური მიდგომა, რომელიც ბოლო დროს შეინიშნება კომპანიებში პერსონალისადმი დამოკიდებულების საკითხში: დაქირავებული მუშახელიდან იგი იქცა-ახალ ფასეულ კატეგორიად - **„ადამიანისუფლებების კაპიტალად“** (ამ კაპიტალის ძირითადი ფორმაა ცოდნა-განათლებულობა, დაგროვილი გამოცდილება და იგი იმიტომაცა „ადამიანური“, რომ მის შესაქმნელად ინვესტიცია ადამიანში

ხდება, კაპიტალის ზრდა - ცოდნის შეძენა-გაღრმავება - კი იწვევს შრომის ერთეულის უკუგებას, მწარმოებლურობას. ამიტომაც, რომ მოსახლეობის კეთილდღეობის ამაღლების საქმეში დასაქმებულითა რაოდენობის ზრდას კი არა აქვს გადამწყვეტი მნიშვნელობა, არამედ ყოველი დასაქმებული მუშაკის, ადამიანისეული კაპიტალის უკუგებას, წარმატებით გამოიყენოს წარმოების სხვა ფაქტორები, მეცნიერების უახლესი მიღწევები და ა.შ.). არადა, კაპიტალის თავისებურება კი ისაა, რომ იგი თვითმზარდი ღირებულებისაა. ამ თვისების გარეშე კაპიტალის არსი წარმოუდგენელია. იგივე შეიძლება ითქვას ადამიანის (ადამიანისეული კაპიტალის), როგორც ინტელექტუალური კაპიტალის ერთ-ერთი ფორმის შესახებ. სწორედ კრეატიული, შემოქმედი ადამიანი უზრუნველყოფს საერთო კაპიტალის ნამატს და გააჩნია სრულიად უნიკალური თვისებები, რომლებსაც ხშირად კომპანიის ხელმძღვანელები ივინყებდნენ და ახლაც ივინყებენ. ამას მოწმობს შემდეგი ფაქტი: იმისათვის, რომ ორგანიზაციამ თანამედროვე სწრაფადცვალებად სამყაროში კონკურენტუნარიანი გახდეს, მან თავისი საქმიანობის პრაქტიკაში მრავალი ტრადიციული მიდგომა არსებითად უნდა შეცვალოს. იგი არსებული მდგომარეობიდან, როცა ცდილობს ცნობილი და აღიარებული ინდივიდების მიზიდვას, ახალ მდგომარეობაში უნდა გადავიდეს, ანუ **მნიშვნელოვან ინტელექტუალურ პოტენციალს თვითონ დაეუფლოს** და, დროის მოთხოვნების კვალობაზე, მისი სისტემატური სრულყოფა შეძლოს. აღნიშნულ ასპექტზე ყურადღება იმიტომ მახვილდება, რომ ადამიანისეულ კაპიტალს კომპანია ხშირად სრულყოფილად ვერ ფლობს. გარკვეული ხარისხით, ამ მეტად მნიშვნელოვანი კაპიტალის მფლობელები თვით ის ადამიანებია, რომელთა მიმართ დაინტერესების ძლიერი მექანიზმების გამოყენებით, კონკურენტ-კომპანიებში მაღალკვალიფიციური სპეციალისტების გადაბირების პრაქტიკა თანამედროვე მსოფლიოში რეალურად არსებობს[1.გვ.,126] , ე. ი. ვერ აფასებენ მისი პოტენციალის გამოყენების შესაძლებლობას. ესაა კრეატიულობა. თუ ადამიანი აგნებს საკუთარ საქმეს, „თავის ადგილზე“, იგი წარმოადგენს თვითმზარდ ღირებულებას და არანაირი ინფლაცია და კრიზისი არ

მოქმედებს ამ ღირებულებაზე. პირიქით, კრიზისულ სიტუაციაში კრეატიული, „შემოქმედებითი ადამიანის“ პოტენციალი იზრდება. სულერთია, მენეჯერია იგი, თუ რიგითი სპეციალისტი, მთავარია, რომ აკეთებს თავის საქმეს. ადამიანის ბუნება ისეა მოწყობილი, რომ მას აქვს სურვილი თვითრეალიზაციისა, პიროვნული სრულყოფისა [2.გვ.,129]. ამიტომ, ადამიანის ღირებულებას (კაპიტალის სხვა სახეობებისაგან განსხვავებით), ახასიათებს უსაზღვროდ ზრდა, იმაზე მეტად, ვიდრე ეს მასში ჩადებულ კაპიტალს შეუძლია. კომპანიები, რომლებიც ცდილობენ, გადაურჩნენ სასტიკ კონკურენციას, მუდმივად უნდა ისწრაფვოდნენ სრულყოფისაკენ. ასეთ პირობებში განსაკუთრებული ყურადღება უნდა ექცეოდეს კომპანიის განკარგულებაში არსებულ ისეთი უმთავრესი სიმდიდრისა და რესურსის რაციონალურ გამოყენებას, როგორიც კოლექტივია თავისი უნარებითა და შესაძლებლობებით, კვალიფიკაციით, იდეებით. აქიდან გამომდინარე, აუცილებელია მისი სწორი მართვა, კოლექტივისათვის მსოფლიო საერთაშორისო სტანდარტების შესაბამისი შრომის პირობების, ინოვაციური ატმოსფეროს (ისეთი გარემო, რომელშიც ადამიანი თავს თავისუფლად გრძნობს, სრულად მოტივირებულია, შემოქმედებითი საქმიანობისადმი მზადყოფნაშია და ხელმძღვანელობის მხრიდან აქვს სრული მხარდაჭერა ინოვაციურ საქმიანობაში) შექმნა და ამ მიმართულებით შესაბამისი **ინვესტიციების** მოზიდვა. სწორედ ესაა სადღეისოდ კომპანიის, დარგის, ქვეყნის კონკურენტუნარიანობისა და სიცოცხლისუნარიანობის გრძელვადიანი ფაქტორი. კოლექტივის თითოეული პერსონალი არის უმთავრესი ფაქტორი, რომელიც ქმნის სისტემას „კომპანია“. სწორედ პერსონალს უნდა უმაღლოდეს ნებისმიერი ორგანიზაცია თავის არსებობას. სწორედ პერსონალია კონკურენტულ ბრძოლაში მთავარი, გადამწყვეტი ფაქტორი, სხვა შემადგენლები სხვა არაფერია, თუ არა ადამიანთა ცოდნისა და გამოცდილების ინტელექტუალური და მატერიალური ფორმით განსახიერება. თანამედროვე მოწინავე ორგანიზაციების პრაქტიკა გვიჩვენებს, რომ გადარჩენისა და სისტემის წარმატებით ფუნქციონირებისათვის საჭიროა სწორედ სისტემის შემქმნელ ფაქტორებზე ყურადღების გამახვილება. თუ

ბაზარი ხელიდან გვეცლება, ბიუჯეტი ირღვევა, ორგანიზაცია ამოვარდა მაღალრეიტინგული და პრესტიჟული დაწესებულებების სიიდან, შეიძლება რეორგანიზდეს სისტემა და შემცირდეს პერსონალი, ჩავიძიროთ რეკლამაში და, საერთოდ, ჯვარი დავასვით მენეჯერის საკუთარ კარიერას. ან სხვაგვარად მოვიქცეთ: გავიხსენოთ, რომ ყველა ამ პრობლემის უკან ადამიანები დგანან - კომპანიის თანამშრომლები, სწორედ მათ უნდა „უმაღლოდეს“ კომპანია თავის სირთულეებს, მაგრამ თავის ხსნასა და გადარჩენასაც მათშივე იპოვის! ბევრმა კორპორაციამ ამ შეგნებით დააღწია თავი კრიზისს და გადარჩა, ალორძინდა იმ გუნდისა და ადამიანების წყალობით, რომელთაც კრიტიკულ ნუთებში სასწაულების მოხდენა შეუძლიათ[2.გვ.,128-129]. აი, რას წერს თავის წიგნში „მენეჯერის კარიერა“ კორპორაცია „კრაისლერის“ ხელმძღვანელი ლი იაკოკა: „ადრე არასოდეს მცოდნია, როგორ მოიქცევიან ადამიანები ურთულეს ჟამს. ახლა კი ვიცი, რომ მათი უმრავლესობა საშველად გამოეშურება. ...ასევე ვისწავლე, რომ კრიზისულ სიტუაციაში ადამიანებს ძალუძთ შეინარჩუნონ ღირსება და იმოქმედონ აბსოლუტურად მშვიდად. ...მე აღმოვაჩინე, რომ ადამიანები გაიღებენ უდიდეს მსხვერპლს, როცა ირგვლივ ყველა იზიარებს მათს ხედვას. როცა უმძიმესი განსაცდელები ყველას თანაბრად, ერთნაირად ეხება, შეძლებ, მთები გადააბრუნო“.

ზემოაღნიშნული გარმოებებიდან გამომდინარე ადამიანის შემოქმედებითი პოტენციალის შეუზღუდავი რესურსების (არადა ამ პოტენციალს ადამიანი ადრეულ ასაკში ფლობს. ყველა ბავშვს სურს რაიმე ახალი, საინტერესო მოიგონოს, განსაკუთრებით 2-დან 5 წლამდე. მათი ოცნებები სწორედ ამ დროსაა გამორჩეული. შემდეგ კი ამ შემოქმედებით პოტენციალს ადამიანთა უმრავლესობა კარგავს არასწორი აღზრდის, სწავლების, განათლებისა და სოციალური პრაქტიკის ზემოქმედების გამო და ალბათ მთელი ცხოვრების მანძილზე მხოლოდ 10-15 პროცენტს თუ იყენებს) მაქსიმალური გამოყენებისათვის გადამწყვეტი მნიშვნელობა აქვს სწორედ ინვესტიციებს **ადამიანისეულ კაპიტალში**. ამ რესურსების ამოქმედების გარეშე შეუძლებელია ადამიანის კრეატიულობის, ცოდნის, გამოცდილების, კვალიფიკაციის დონის

ამაღლება. მაგრამ იმისათვის რომ სასურველ შედეგებს მივაღწიოთ, საჭიროა, ჯერ ჩვენ შევიცვალოთ, მუდამ ვისწრაფვოდეთ ახლისკენ, ვიაზროვნოთ და ვიმოქმედოთ შემოქმედებითად, ანუ კრეატიულად. თანამედროვე პროგრესული ადამიანი არ უნდა იყოს მხოლოდ სხვისი შექმნილის მომხმარებელი. იმავდროულად, უნდა ვცდილობდეთ, ვიყოთ კრეატიულებიც, რადგან ვინც არ ქმნის რაიმე ახალს, ის მხოლოდ სხვის მიერ შექმნილს იმეორებს და/ან მოიხმარს. [3.გვ.9.]. ყოველივე ამის გამო **ჩვენ ვამდიდრებთ იმ “სხვას”, ამით, ნებისთ თუ უნებლიედ ხელს ვუწყობთ ჩვენი ქვეყნის სულ უფრო ჩამორჩენას და გაღარიბებას.** როგორც დიდი ილია ჭავჭავაძე თავის დროზე აღნიშნავდა, “ქვეყანა იმით კი არ არის უბედური, რომ ღარიბია, არამედ იმით, რომ მცოდნე, გონებაგახსნილი, გულანთებული კაცები არ ყავს”. სხვაგვარად რომ ვთქვათ, მხოლოდ შემოქმედ, **მცოდნე**, არატრადიციულ, არასტანდარტულ, ახლებური აზროვნების, უფრო სწორად კრეატიული **კონკურენტუნარიანი ცოდნის მატარებელ მუშაკს** შეუძლია უშუალოდ შექმნას ახალი, სხვისგან განსხვავებული პროდუქტი [4.გვ.18.].

ასეთი დონის კონკურენტუნარიანი ცოდნა განსაკუთრებით საჭიროა საინვესტიციო პოლიტიკის შემუშავებისას, მაშინ, როცა საკითხი ინვესტიციების მიმართულებების განსაზღვრას ეხება, რა დონეზეც არ უნდა ხდებოდეს გადაწყვეტილების მიღება. ყოველგვარი ინვესტიცია როგორ შეიძლება ეკონომიკური და სოციალური შედეგების მომტანი იყოს; ინვესტირებისას გამორიცხული არ არის ხარვეზები. ფირმამ (თუ პიროვნებამ), სახელმწიფო დაწესებულებამ ინვესტიციების მიმართულებების განსაზღვრისას შეიძლება სერიოზული შეცდომა დაუშვას, მაგალითად, დააფინანსოს ისეთი უპერსპექტივო ტექნოლოგია (თუნდაც ისეთი, რომელიც შეიძლება ეკონომიკურად არ იყოს წამგებიანი, მაგრამ სოციალური შედეგიანობის - ეკოლოგიური, უსაფრთხოების თვალსაზრისით- იმიჯის შემლახველი) და ა.შ., საქმიანობა, რომელიც მოგების მატების ნაცვლად ინვესტორს გააკოტრებს, იმიჯს დაუკარგავს. ყოველივე ამის მიზეზია გადაწყვეტილების მიმღების არაკომპეტენტურობა, ან არასწორი ინფორმაცია

ეკონომიკის, დარგის თუ კონკრეტულად ამა თუ იმ საქმიანობის შესახებ, მაგ., ტექნოლოგიის ნამდვილ სარგებლიანობაზე, ალტერნატიულ შესაძლებლობებზე. სხვანაირად რომ ვთქვათ, მას არ აღმოაჩნდა ადამიანისეული კაპიტალისათვის აუცილებელი ცოდნა და უნარი, რომელიც საჭიროა კომპეტენტური გადწყვეტილების მისაღებად. შეცდომით გაცემული ინვესტიციები კი სოციალურ-ეკონომიკური მომგებიანობის საწინააღმდეგო მოვლენაა, ეს ფაქტობრივად რესურსების უაზრო ხარჯვაა. ასე, რომ მეცნიერულ-ტექნიკურ ცოდნას- ახალ ტექნოლოგიებზე, სამეურნეო კონიუნქტურის პერსპექტივებზე, მოთხოვნის მომავალ ცვლილებებზე და ა.შ., უდიდესი მნიშვნელობა აქვს ეკონომიკური ზრდის და მოსახლეობის კეთილდღეობის ამაღლების უზრუნველყოფისათვის. ეს ეხება როგორც უშუალოდ კომპანიის ხელმძღვანელობას, ასევე მასში მომუშავე მთელ პერსონალს: რაც უფრო კვალიფიციური და ახალი ტექნიკის ათვისებისათვის მომზადებული, კომპეტენტური სამუშაო ძალა იქნება მოზიდული ფირმაში, მით უფრო გარანტირებული და მყარი იქნება სიახლეების სწორად (შედეგიანად) გამოყენება, შრომის მწარმოებლურობის ზრდა და წარმოებული პროდუქციის მაღალი ხარისხი, შესაბამისად, ფირმის და ქვეყნის კონკურენტუნარიანობა, ეკონომიკური წარმატებები, იმიჯი[5.გვ.37-38.].

ამრიგად, ინვესტიციები ადამიანისეულ კაპიტალში ეს არის მომგებიანი და აუცილებელი როგორც ეკონომიკური წარმატებების მისაღწევად, ფირმის და ქვეყნის კონკურენტუნარიანობის ასამაღლებლად, ასევე სოციალური შედეგების თვალსაწიერი-თაც, რადგან, როგორც დიდი ილია ამბობდა, მცოდნე, განათლებულ საზოგადოებაში უფრო დაცულია კანონი, ადამიანის უსაფრთხოება, მისი უფლებები და მთლიანობაში უფრო მაღალია პიროვნების თავისუფლების დონე. ყოველივე ეს თანამედროვე პირობებში სავსებით სამართლიანად ქვეყნის იმიჯის, დემოკრატიულობის შესაფასებელ ამოსავალ პარამეტრად მიიჩნევა. საკითხისადმი ასეთი არატრადიციული მიდგომა ნებისმიერ სახელმწიფოს, მათ შორის საქართველოს, აბსოლუტურად განაწყობს, არ გასწიოს ეკონომია და მნიშვნელოვანი რესურსები-

ინვესტიციები წარმართოს საზოგადოების განათლებულობის, ადამიანისეული კაპიტალის დონის ასამაღლებლად. განათლების დაფინანსებისადმი პრიორიტეტულობის პრინციპი აუცილებლად უნდა იქნას დაცული სახელმწიფოს მიერ, მიუხედავად იმისა აქვს თუ არა ბიუჯეტს ამის შესაძლებლობა. სამწუხაროდ, რეალურად ასეთი განწყობა ბიუჯეტის დაგეგმვისას ბოლო ორი წლის გამოკლებით ნაკლებად იგრძნობა. 2011 წ. განათლების საბიუჯეტო ხარჯების წილი მშპ-ში შეადგენდა 2,7%-ს და ეს ყველაზე დაბალია როგორც ევროკავშირის (იქ მინიმალურია 4,1% - სლოვაკეთი, მაქსიმალური 6,9%-მალტა), ასევე ყოფილი საბჭოთა კავშირის დაშლის შედეგად შექმნილ დამოუკიდებელ ქვეყნებში (ჩვენზე ნაკლებია აზერბაიჯანში - 2,4%, ყველაზე მაღალი - 8,6% მოლდოვაში)[5.გვ.39].

ზემოთაღნიშნულიდან გამომდინარე შეგვიძლია **დავასკვნათ:**

1. ადამიანისეული კაპიტალის როგორც თვითმზარდი ღირებულების გასადიდებლად საჭიროა მისი შემოქმედებითი პოტენციალის შეუზღუდავი რესურსების მაქსიმალური გამოყენება ;

2. თანამედროვე მკაცრი სწრაფცვალებად კონკურენტულ სამყაროში განსაკუთრებული ყურადღება უნდა მიექცეს კომპანიის განკარგულებაში არსებული რესურსებიდან უმთავრეს რესურსს და სიმდიდრეს, წარმატებული საქმიანობის საწინდარს-პერსონალს, ადამიანს, თავისი უნარ-ჩვევებით, ცოდნით, კვალიფიკაციით, იდეებით.

3. კონკურენციის პირობებში აუცილებელია ნებისმიერ ორგანიზაციაში შეიქმნას შესაბამისი ბიზნეს-გარემო, ინოვაციური ატმოსფერო უწყვეტი განათლების სისტემის, როგორც მეცნიერულ-ტექნიკური ცოდნის კვლავწარმოების უმთავრესი პირობის, დასაწერად, რომელმაც უნდა უზრუნველყოს ცოდნის გამუდმებით განახლება, ქვეყანაში განათლების საერთო დონის ამაღლება.

გამოყენებული ლიტერატურა

1. გ. ჯოლია, ცოდნის ეკონომიკა, თბ., 2015.
2. ჟურნალი "ეკონომიკა", №3-4, 2016წ.
3. გ. ჯოლია. კრეატიული ეკონომიკა და განვითარება. თბ., 2015.
4. ჟურნალი "ეკონომიკა", №5-6, 2014წ.
5. ჟურნალი "ეკონომიკა და ბიზნესი", №3, 2016წ.
6. Guenter Faltin, Kopf Schlaegt Kapital, Carl Hanser Verlag, Munchen, 2008.

REFERENCES:

1. G. Jolia, Knowlegde Economics, Tb., 2015 (in Georgian Language).
2. Journal "Economics", #3-4, 2016 y. (in Georgian Language).
3. G. Jolia. Creative Economy and Development. Tb., 2015(in Georgian Language).
4. Journal "Economics", #5-6, 2016 y. (in Georgian Language).
5. Journal "Economics and Business", #3, 2016 y. (in Georgian Language).
6. Guenter Faltin, Kopf Schlaegt Kapital, Carl Hanser Verlag, Munchen, 2008. (in German Language).

HUMAN CAPITAL - THE SPECIAL SPHERE OF INVESTMENT AND THE MAIN CONDITION FOR INRCEASING A COUNTRY'S COMPETITIVENESS

**Revaz Shengelia, GTU, Professor,
Jujuna Tsiklauri-Shengelia, GTU, Professor,
Natia Shengelia, GTU As. Professor**

RESUME

1. For enlarging the human capital, as self-increasaing his/her value , it is necessary to maximise the usage of the unlimited resources of its creative potential.
2. In the modern strict rapidly changing competitive world, the special

attention should be paid to the main resources and wealth of the company rather than to the general ones. This can be regarded the personnel of the company, the person with its abilities, knowledge, qualification, ideas as the precondition for successful activities.

3. During the competition it is essential for any organization to create an appropriate business environment, the innovative atmosphere of continuous education system, as for implementation of the main precondition for the reproduction of scientific-technical knowledge , which should ensure a constant update of knowledge, raise the general level of education in the country.

Keywords: Creative Economy. Competitive Scientific-technical Knowledge. Human Capital. Competitive Person. Reproduction of the Scientific-technological Knowledge and its Updated Forms.